



Akcija je izvedena po naredbi Općinskog suda

## Otkrivena laboratorija za proizvodnju droge

Pripadnici **Državne agencije za istrage i zaštitu** u Sanskom Mostu su uhapsili jednu osobu

Policijски službenici **Državne agencije za istrage i zaštitu** realizovali su operativnu akciju Mikro, usmjerenu protiv neovlaštene proizvodnje i stavljanja u promet opojnih droga u okviru koje je slobode lišeno jedno lice zbog postojanja osnova sumnje da je počinilo krivično djelo iz člana 238. Krivičnog zakona Federacije Bosne i Hercegovine neovlaštena proizvodnja i stavljanje u promet opojnih droga.

Postupajući po naredbi Općinskog suda u Sanskom Mostu, policijski službenici **SIPA** su na području Sanskog Mosta pretresli jedan objekat, prilikom čega su pronašli improvizovanu

laboratoriju sa pripadajućom kompletnom opremom za proizvodnju opojne droge skank, šest stabljika koje svojim izgledom asociraju na opojnu drogu marihuana, hemijska sredstva za uzgoj biljaka, kao i potrebnu opremu za instalisanje najmanje još jedne laboratorije za proizvodnju opojne droge skank.

Lice lišeno slobode je privedeno u prostorije Regionalne kancelarije Banja Luka, gdje će se nad njim izvršiti kriminalistička obrada, nakon čega će se u dogovoru sa postupajućim tužiocem Kantonalnog tužilaštva Unsko-sanskog kantona odlučiti o daljnjim mjerama prema licu.